

# Congress Militant

Paper of the Marxist Workers' Tendency of the ANC

Price 20c  
[Solidarity price R1.00]

*Tlhotlhoetsang maatla a badiri go fenya Inkatha!*

## COSATU e tshwanetse go aga mophato wa itshireletso wa babereki

Batho ba feta 500 ba sule ntweng e e simo-lotsweng ke Inkatha kwa lejeleputswa-botlhaba le Soweto. Ba ka nna 4000 ba setse ba bolailwe kwa Natala. Bontsi jwa bona ke balatedi ba Congress. Ba sule mo ditlhaselong tse di naganetsweng pele tsa bosetlhogo tsa babolai ba Inkatha, ba engwe nokeng ke puso.

Letsoho la ga Buthelezi la polao, ke lone le fetlhang ditlhaselo tse. Re bolela gape se re ntseng re se bolela gale: go se nne le dipuisano, le eseng tumalano le Buthelezi!

Go fithla moragonyana, Inkatha e ntse e gateletse bosetlhogo ba yona kgatlhanong le babereki le basa kwa Kwazulu le Natala, mme e ntse e busetswa morago ke kemokgatlhano "legaeng la yona". Ka maiteko a patikego Buthelezi jaanong o leka go tlhoseisa metse-seteoropo ya teransefala ka molelo.

O batla tlotlo jaaka "moetapele wa setshaba" o thuso ya gagwe e tlhokagalang go tlisa "kagiso". E tla nna phoso e e masisi fa ANC e ka dira tumalano le mmolai Buthelezi. Se se ka se tlise kagiso. Se tla mo fa tshono ya gore Inkatha e tswelotse tshololo ya madi.

### Bagateledi ba batho

Baetapele le balaola-ntwa ba Inkatha ke baba ba babereki. Ba gatelela ba ba leng tlase ga taolo ya bona. Ba tlhotlhoetsa karogano ya semer-afe. Ke badiredi ba bahiri le letsogo la puso.

Buthelezi o ipitsa "moetapele wa maZulu". Se ke maaka. Inkatha ga e a emela "maZulu". Bontsi ba maZulu kwa Kwazulu le Natala bo eme Congress nokeng, ba gana taolo ya ga Buthelezi e bile ba lwantsha kgatelelo ya Inkatha.

Mo metsesetoropong ya teransefala, basa ba maZulu le ba eseng maZulu le babereki ba ba leng mo Congress ba lwana mmogo kgatlhanong le babolai ba Inkatha.

Bantsi jwa babereki ba ba tswang magaeng ba maZulu ba pateletsegile go tla teransefala go batla tiro gonne bantustane ya ga Buthelezi e na le khumanego fela. Mo dihosetele matshelo a bona ke a nyefolo le tshotlego.

Re tshwanetse go ipiletsa go babereki ba gore ba se ke ba lwanela Inkatha. Bontsi ga bo latele Inkatha, mme fela ba a tshosetswa, ba a

akediwa le go pateletswa go lwana.

Kwa Alexandre, mo 'New Men Hostel', badiri ba maZulu ba ganne go ikamanya le babolai ba Inkatha ba ba rometsewang go tswa ntle go tlhasela baagi ba Alexandre -- gonne ba gogetswe mo mekgatlhong le mo dikomiting tsa dihosetele ke Civic.

Ntwa ya rona ke e akaretsang badiri botlhe Afrika Borwa. Re lwantsha bahiri le puso ya bona. Re batla puso ya bontsi, meputso e ephedisang, ditiro go botlhe, matlo a a siameng le dikolo go ruta bana ba rona.

Ditshwanelo tse di tla thusa badiri-bantsho botlhe. Re tshwanetse go tswelotse pele ntwana ya rona go fitlhelela ditshwanelo tse.

### General strike

Re kopa baetapele ba rona ba ANC le COSATU go bitsa seteraeke se se akaretsang tshaba sotlh' go tiisetse iphemelo kgatlhanong le Inkatha, le go ngongorelela kgatelelo ya sepodisa.

Inkatha e thusana le makapitale mo pepene-neng. Babereki ba ba leng mekgatlhong ba na le maatla a go emisa ikormi ya bokapitale le go utlwiswa baba ba rona botlhoko.

Ka beke ya July ya tseyo ya dikgato kgatlhanong le bosetlhogo ba Inkatha kwa Natala, babereki ba le 3 million ba ile ba ngala tiro. Bontsi bo bo fetang bo, bo ka amogela pitso ya go tsaya kgato nakong e.

Ga jaana, COSATU le ANC di tshwanetse go lomaganya stayaway le porogama ee tswelotsewang go tsaya dikato. A re tsweleng pele ka dikgato tsesi gokaganeng tsa setshaba sotlhe go lwanela meputso e e godimo, dipenshene le dituelo tse dingwe; mebereko, matlo le thuto e e lekalekanang.

Se ke tsela ya go fedisa dikgotlhang magareng ga botlhe ga ba gateletsweng le go gogela go rona maloko a Inkatha a a sa boneng tsela kgotsa a tlhakane tlhogo.

### Itshireletso ya dibetsa

Babereki botlhe ba ba leng ka fa mekgatlhong ba tshwanetse go aga di-militia le go aga mophato

wa iphemelo wa badiri. Basa ba diganka ba tshwanetse go gogelwa mo me-phantong e, e le tlase ga taolo ya badiri.

Baetapele ba tshwanetse go tlhophiwa; ikatiso e tshwanetse go diragatswa; dibetsa di kgobokanngwe le go fitlhiwa, mme di diriswe tlase ga taolo e e gagametseng fa tlhokego ya go iphemela e le teng.

Se ke yone fela tsela ya go aga mophato-tshireletso wa batho. Ke yone fela tsela ya go fedisa ditlhaselo, tlhakatlhakano le tshenyo mo metsetoropong, le go fedisa tiriso-dikgoka mo dibeseng le ditereneng.

Ke yone fela tsela ya go sireletsa malapa a rona kgatlhanong le disenyi tsa bantsho le basweu, botsotsi, le ditlhaselo tsa sepodisa kgotsa sesole.

SAP le SADF ga di a ema gare. Di eme Inkatha nokeng. Jaaka re setse re itemogetse 'Joint Monitoring Committees' tsa SAP, ANC le Inkatha ga di kgone go fedisa dipolao. 'Peace Forums' ga di tlise kagiso.

SAP le SADF a di tswew metsetoropong ya rona! Kopano e e tileng le itshireletso e e gokaganeng ke tsone tse re tshepelang go tsona go re fa kagiso.

### Peo marumo fatshe?

Re dumela gore boetapele ba ANC le SACP bo dirile phoso e kgolo ka go dumela go emisa nwa kgatlhanong le goromente pele ba kopanya le go tlhometsa babereki le basa ka dibetsa go itshereletsa.

Mo gare ga malatsinyana mapodisa a thunt-sitse le go bolaya batho ba feta 40 kwa Port Elizabeth. Ga go makatse fa ditlhaselo tsa Inkatha mo teransefala di fegile.

Ba ikemiseditse go dirisa bokoa bo ngwe le bongwe bo bo tlhagiswang ke boetapele ba Congress. Go 'emisa nwa' ga go a tlisa kagiso. Go lebogela "kemiso ya nwa", De Klerk o phimotse "immunity" ya bakaulengwe Hani, Kasrils le Maharaj!

### Seteratejei go tsaya maatla

Gareng ga ANC, Marxist Workers' Tendency gale e ntse e sa dumalane le seteratejei sa MK sa bo-guerilla sa ditlhaselo tsa dibomo. Re tla nne re eme kgatlhanong le dikgato tsa bongwe tsa ditlhometsa e le go leka go tsaya maemo a kgato e gokaganeng ya mophato wa badiri. Se se bitswang 'terrorism' ga se koafatse mmaba, tota se tuusa puso. Se ka se fenke SAP le SADF. Se tlogela batho ba sena boiphemelo kgatlhanong le ditlhaselo.

Dingwaga tsotlhe tsa "ntwa ya dibetse" di tshwanetse nkabo be di diriseditswe go baakanyetsa le go romela dibetsa go mephato difeketering, meeping, dikolong le ditownshiping. Le ga jaana, tiro ya bakaulengwe ba MK ba ba katiseditsweng nwa, e tshwanetse ya nna go tsaya karolo mo katisong le go tlhometsa ka dibetsa mophato o mogolo wa tshireletso wa babereki.

Ke phoso gore boetapele bo bo emisitse nwa ya dibetsa fa puso yona e santse e na le taolo ya thata ya dibetsa -- fa ditlholo di tshwerwe ke sepodisa, mophato-tshireletso, batlhaolodi, dinokwane le disenyi, mme di se mo diatleng tsa babereki.

Rona re re: Le se ka la tshepa De Klerk le bahiri. Dipuisano tsa ga jaana di ka se tlise kagiso le puso ya bontsi. Ke serai go tlhomolola motsamao wa rona wa Congress le go tlhakatlhakanya balatedi ba ona.

Dipuisano di se nne go tswa maemong a bokoa!  
Buisanelang fela go isetsa puso ya bontsi!

Batlang ditlhopo tse di senang bokgetholodi go aga Consituent Assembly e e tla kwalang molatlheo o mosa!

Tsweletsang nwa ya bontsi! A re tswete pele re kopane! Agang ANC ya bontsi go tlisa puso ya hebereki!

# Build a mass ANC

## fight for workers' power, democracy and socialism !